

4 universiti teknikal perlu tingkat pengambilan

1 M (Wim Negeri) Selim 26/4/11 ms 27

KUALA LUMPUR 25 April - Sebanyak empat universiti teknikal di negara ini perlu memastikan pengambilan pelajar-pelajarnya adalah terdiri daripada 60 peratus dalam bidang teknikal menjelang 2015.

Timbalan Menteri Pengajian Tinggi, Datuk Saifuddin Abdullah (**gambar**) berkata, universiti terlibat adalah Universiti Tun Hussein Onn (UTHM), Universiti Teknikal Malaysia Malaysia (UTeM), Universiti Malaysia Perlis (UniMAP) dan Universiti Malaysia Pahang (UMP).

"Universiti ini juga perlu memperluaskan lagi penawaran program-program teknikal yang selari dengan keperluan pembangunan

negara," katanya ketika menggulung perbincangan menjunjung tith ucapan Yang di-Pertuan Agong di Dewan Negara hari ini.

Saifuddin berkata, keempat-empat universiti itu perlu diletakkan sebagai institusi Apex dalam pengajian teknikal setanding dengan universiti-universiti sains gunaan yang terdapat di negara-negara lain.

"Bagi mencapai hasrat itu juga, kementerian akan mencadangkan supaya Majlis Teknikal Universiti-Universiti Malaysia (MTUN) me-



nerima pelajar institusi kemahiran iaitu lepasan Diploma Lanjutan Kemahiran Malaysia (DLKM) dan Diploma Kemahiran Malaysia (DKM) bermula tahun ini untuk beberapa program tertentu," katanya.

Beliau berkata, selain itu, institusi politeknik negara juga akan terus melalui fasa pematapan dan pem-

baharuan sesuai dengan kedudukannya sebagai institusi utama dalam pengajian Pendidikan dan Latihan Vokasional dan Teknikal (TVET).